

*Successa Erant*

*Apud*

# INDOS

IN

*Nova - Angliā*

EPISTOLA

*Ad Cl. Virum*

*D. Jobannem Leusdenum,*

*Linguae Sanctae in Ultra-  
jectina Academia Pro-  
fessorem, Scripta.*

---

*A Crescentio Matbero*

*Apud Bostonienses V. D. M. nec non  
Collegij Harvardini quod est Cam-  
briae Nov-Anglorum, Rector.*

---

*Londini, Typis J. G. 1655.*



DE

*Successu Evangelij*

*Apud*

INDOS

IN

Novi-Anglia

EPISTOLA,

*Clarissimo, Celeberrimo, & Doctissimo,  
Domino*

Johanni Leusdeno.

*Vr Eximie, & plurimum Colende.*

**P**erjucundae fuerunt Litterae tuae, quibus intellexi, te, & alios in Celeberrima Ultrajectinorum

Academia, de rebus quæ Con-  
 versos in Americâ Indos spe-  
 ctant, certiores fieri, deside-  
 rasse. Veram de ijs Historiam  
 paucis accipe. Anni plus-  
 quam quadraginta lapsi sunt  
 ex quo, Vir, verè pius, *Johan-  
 nes Elliotus Ecclesiæ Ripensis  
 Nov-Anglicanæ* ( quæ a Bo-  
 stoniâ non ultra mille Passus  
 distat ) Pastor reverendus,  
 singulari Gentes Americanas  
 Convertendi Zelo accensus,  
 Linguam Indicam, ut eis fa-  
 ciliore, & fæliciore cum fru-  
 ctu, Mysteria Evangelij pa-  
 tesceret, discere voluit.  
 Quam ob causam *Elliotus* ille  
*Indorum Americanorum Apostolus*  
 ( & non immeritò quidem )  
 audit. Vir hicce Reverendus  
 Tota

Tota Biblia Sacra, non sine labore Atlantæo transtulit, ac in Linguam Indicam vertit. Etiam & varios tractatus Angloos Practicam Theologiam exhibentes, nec non Catechismos traduxit, ac Indicos fecit. Ante abhinc annos viginti & sex in Oppido dicto *Natick*, ex Conversis Indis Ecclesiam collegit. Peccata hi sua, non absque Lacrymis, confitebantur, & fidem in Christo profitebantur. Postea, & ipsi, & eorum Liberi, Baptizati, & in fœdere Ecclesiastico, quàm solenniter conjuncti sunt. *D. Elliotus* primus fuit qui eis Cœnam Domini exhibuit. Nunc vero hujus Ecclesiæ Pastor est

Indus, qui vocatur *Daniel*.  
 Prieter hanc Ecclesiam *Naticensem* ex Incolis nostris  
*Massachusettsensibus*, quatuor  
 sunt cætus Indici, quibus no-  
 men Veri Dei & Jesu Christi  
 invocare, solenne est. His  
 omnibus inferviunt *Concionatores Americani*. *D. Elliotus* an-  
 tehæc apud illos Conciones  
 bimestres habere consuetus  
 fuit; jam verò laboribus &  
 Senio (nam Annum *Ætatis*  
*Octuagesimum Quartum* a-  
 git) debilitatur. Est & alia  
 Ecclesia, constans ex solis In-  
 dis Converfis, ultra quinquaginta  
 Milliaria à nobis distita  
 in Oppido *Marshipping* nomi-  
 nato.

*Præter*, in ista Ecclesia Pa-  
 stor

stor fuit *Anglus*, qui *America-*  
*canorum* linguam callens, il-  
 lis proprio eorum Idiome  
 Evangelizavit. Pastor ille  
*Anglus* è *Vivis* cecit, nihilo  
 tamen minus Indo Ecclesiae  
 fruitur Ecclesia. Sunt præte-  
 rea quinque Indorum Chri-  
 sti Nomen profitentium cre-  
 tus, qui a *Marshippaag* non  
 longius absunt, habent etiam  
 Prædicatores Indos. *Johannes*  
*Cottonus* Ecclesie *Plimouthensis*  
 Pastor. ( Filius venerandi So-  
 cri mei *Johannis Cottoni*, in hac  
 Ecclesia *Bostoniensis* quondam  
 Doctoris celeberrimi ) in Lin-  
 gua Indica discenda miros  
 progressus fecit, estque in ea  
 peritissimus ; is ad quinque  
 Congregationes ultimo dictas

quavis septimana Concionem  
 Indicam habet. Porro ex Sa-  
 coneti Habitatoribus ( scil.  
 in *Colonia Plimouthensi* ) est  
 magna eorum frequentia, qui  
 distinctionis ergò *Indi Precan-*  
*tes* ( qui nimirum Deo in  
 Christo supplices sunt ) au-  
 diunt. Adhuc plura, non pro-  
 cul à Promontorio *Anglice* vo-  
 cato *Cape Cod*, sex Gentilium  
 Cætus inter *Catechumenos* au-  
 numerandi sunt, & apud quos  
*Indi* sex Verbi Dei *Pæcones*.  
 Horum Conventus, *Samuel*  
*Treat* *Nov-Anglus*, *Ecclesia*  
*Estimensis* Pastor sine Inter-  
 prete frequentat. Sunt etiam  
 apud *Nantucketenses* Insulane-  
 os *Ecclesia* cum Pastore nuper  
*Gentili*; nec non varij *Cate-*  
*chumenorum*



chumenorum Cætus; qui a  
 Conuersis Indis erudiuntur.  
 Est & alia Insula Longitudi-  
 ne septem ( circiter ) Leucas  
 continens ( Insula *Mariba* vo-  
 cata ) ubi duæ, ac cæteris ce-  
 leberiores Americanorum  
*Ecclesiæ* plantantur. Quarum  
 uni, Senex Indus *Hiacome*  
 appellatus tanquam Pastor  
 præsidet : etiam hujus Ind  
 Pastoris Filius *Jobannes Hia-*  
*coomes* compatriotis mysteria  
 Religionis tradit. In alteri  
 eò loci *Ecclesiâ* *Jobannes Tocki-*  
*nosh* Conuersus Indus docet.  
 In his *Ecclesiis*, Seniores, sive  
*Presbyteri Gubernantes*, ex ipsis  
 Gentilibus Pastoribus adjun-  
 guntur. Pastores per populi  
 suffragia creati fuerunt, &

cum jejunassent & precasset  
essent *Ds. Illotus*, & *Ds. Co-*  
*romus* ipsi manus imponebant  
solennis itaque fuit eorum  
Ordinatio -- Omnes Conver-  
forum Indorum Castus ( quia  
Catechumeni, quia qui sunt  
in Ordine Ecclesiastico consti-  
tuti ) quovis die Dominico  
convenire solent ; Pastor vel  
Concionator semper ab Ora-  
tione incipit, & quidam sine  
Monitore, quia de pectore.  
Deinde cum quicumque sit  
Synagogæ præles Orationem  
suam finiverit, totus Indo-  
rum Chorus Psallendo Deum  
laudant. Non nulli ex illis  
sunt Præcentores optimi.  
Post *Psalmidiam* qui conciona-  
tur est, aliquem ex sacra  
pa-

Pagina locum ( comma unum  
 vel plura prout velis ) legit  
 & exponit, documenta col-  
 ligit, &que Scripturis & ra-  
 tionibus confirmat, & usus  
 aliquos infert, more, scil. An-  
 glorum a quibus instituto-  
 tur. Deinde altera Oratio  
 ad Deum in Nomine Christi  
 totam Liturgiam concludit.  
 Hoc modo bis in unaquaque  
 Dominica congregantur :  
 præter *Dominicam*, *Dies Festos*  
 non Celebrant, nisi aliqua oc-  
 casio præter ordinem ad id  
 impellit, tum vero totos dies  
 vel in Gratiarum Actione,  
 vel in Jeunijs & Supplicati-  
 onibus, cum magno animo-  
 rum ardore quàm solenniter  
 observant. Præquam An-  
 gli

gli has Oras appulerant, Gen-  
tes Barbaræ Veri Nominis  
Dei penitus ignaræ sunt ; un-  
de est quod in Orationibus  
& Concionibus, verbis ac ter-  
minis Anglicanis utuntur.  
Qui inter illos Sanctissimum  
Dei Nomen invocat, dicit *Je-  
boab*, vel *God*, vel *Lord* : sic &  
multa alia verba quæ res  
Theologicas exprimunt, a  
nobis didicerunt, & mutuari  
Necessum habuerunt.

Ut summatim omnia com-  
plectar. Sex baptizatorum  
Indorum *Ecclesia*, nec non  
Catechumenorum Cætus O-  
ctodecim in Nov - Angliâ  
Christi Nomen profitentium  
inveniuntur. Ex Indis sunt  
viginti quatuor qui Verbum  
Dei

Dei praelegunt, & concionantur, ac præter illos ex Anglia quatuor Ministri qui Evangelium Lingua Gentili prædicant. Jam defessus sum scribendo, & vereor ne si plura recitarem, tibi tædium afferam. Tamen addendum (quod mihi propemodum effluxerat) Quam plurimos ex Indorum Pueris esse, qui Catechismum vel a Celeberrimo Theologo *Gulielmo Perkinso*, vel a Synodo in Anglia *Westmonasteriensis* editum, memoria tenent, ac Vernacula eorum Lingua, omnibus quæ sunt in eo Questionibus respondere possunt, & solent. Sed Manum de Tabula. Non nullorum Epistolæ de successu

In Evangelij apud Indos Ori-  
 entiales, præsertim verò Ce-  
 ylonenses Insulaneos, stupenda  
 referunt, quasi Trecenties ho-  
 minum Millia Domini No-  
 stri Jesu Christi Nomen &  
 Religionem amplexi essent,  
 & has mirandas Conversio-  
 nes conatum Ministrorum  
 à Belgio missorum, fructus  
 esse. Quod me de hac re cer-  
 tiorem faceres, te oratum ve-  
 lim. Dissertationes Tuæ de  
 rebus Philologicis, quibus  
 me ditasti, & beasti sunt ( si  
 quid ego judico ) perquam  
 Orthodoxæ, Solidæ, Lectuq;  
 Dignissimæ. A me omnia  
 summa in te Studia Officia-  
 que expecta. Non fallam  
 Opinionem tuam. Clarissi-  
 mis

mis in Vestra Academia Professoribus, ex me Salutem dico, quibus & Epistolam hanc des legendam, tanquam ad eos quoque scriptam. Vale Vir Eximie. Deus te quam diutissime Patriæ, Ecclesiæ, & Reipublicæ Literariæ Bono incolumem servet.

*Sum Tuus dum Suus,*

*Grescentius Matheus.*

Bostoniæ Nov-Anglorum

Julij 12. 1687.

---

**F I N I S.**